

MINISTARSTVO OBRAZOVANJA,
ZNANOSTI, KULTURE I ŠPORTA

MINISTARSTVO OBRAZOVANJA,
NAUKE, KULTURE I SPORTA



CENTRAL BOSNIA CANTON
MINISTRY OF EDUCATION,
SCIENCE, CULTURE AND SPORTS

Travnik, Stanična 43., Tel./fax.: 030/511-214, 518-675, fax.: 518-4 51 E-mail: minobsbk@bih.net.ba

Urudžbeni broj: 03-38-20/15-6
Travnik, 23.05.2016. godina

Temeljem članaka 36. i 37. Zakona o visokom obrazovanju („Službene novine KSB/SBK“, broj: 4/13) i članaka 14., 15., 26. i 27. Pravilnika o postupku akreditacije visokoškolskih ustanova i studijskih programa („Službene novine KSB/SBK“, broj: 6/14 i 14/14), a rješavajući po zahtjevu visokoškolske ustanove Internacionalni Univerzitet Travnik u Travniku, broj: 01-13-34/15 od 17.03.2015. godine, ministrica Ministarstva obrazovanja, znanosti, kulture i športa KSB/SBK, donosi

RJEŠENJE O INSTITUCIONALNOJ AKREDITACIJI VISOKOŠKOLSKE USTANOVE INTERNACIONALNI UNIVERZITET TRAVNIK

I

Izdaje se institucionalna akreditacija visokoškolskoj ustanovi Internacionalni Univerzitet Travnik u Travniku sa organizacijskim jedinicama: Saobraćajni fakultet, Fakultet informacionih tehnologija, Fakultet politehničkih nauka, Ekonomski fakultet, Pravni fakultet, Ekološki fakultet i Fakultet za medije i komunikacije.

II

Rješenje o institucionalnoj akreditaciji izdaje se na razdoblje do četiri (4) godine.

III

Obvezuje se visokoškolska ustanova Internacionalni Univerzitet Travnik u Travniku, da najkasnije šest (6) mjeseci prije isteka roka, iz točke II. ovoga Rješenja, podnese zahtjev za obnavljanje akreditacije.

IV

Rok iz točke II. ovoga Rješenja počinje da se računa od dana pravosnažnosti istog.

V

Troškovi upravnog postupka u visini od 50,00 KM padaju na teret stranke, koja ih je dužna uplatiti u roku od 8 dana na Proračun KSB/SBK.

O b r a z l o ž e n j e

Visokoškolska ustanova Internacionalni Univerzitet Travnik iz Travnika podnio je Ministarstvu obrazovanja, znanosti, kulture i športa KSB/SBK Travnik (nadalje: Ministarstvo obrazovanja) zahtjev za institucionalnu akreditaciju, Broj: 01-13-34/15 od 17.03.2015. godine.

Ministarstvo obrazovanja je zaprimljeni zahtjev sa svom potrebnom dokumentacijom, dostavljenom od strane visokoškolske ustanove Internacionalni Univerzitet Travnik u Travniku sa organizacijskim jedinicama: Saobraćajni fakultet, Fakultet informacionih tehnologija, Fakultet politehničkih nauka, Ekonomski fakultet, Pravni fakultet, Ekološki fakultet i

Fakultet za medije i komunikacije, nakon pregleda Povjerenstva Ministarstva obrazovanja, prosljedilo Agenciji za razvoj visokog obrazovanja i osiguranja kvaliteta BiH sa prijedlogom za imenovanjem Povjerenstva domaćih i međunarodnih stručnjaka za institucionalnu akreditaciju.

Postupajući po prijedlogu Ministarstva obrazovanja, Agencija za razvoj visokog obrazovanja i osiguranja kvaliteta BiH iz Banja Luke (nadalje: Agencija za visoko obrazovanje) je donijela Rješenje o imenovanju Povjerenstva domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolske ustanove (nadalje: Povjerenstvo za institucionalnu akreditaciju) Internacionalnog Univerziteta Travnik, općina Travnik, Broj:05-33-1-323-4/15 od 20.07.2015.godine i isto dostavilo Ministarstvu obrazovanja dana 28.07.2015.godine.

Temeljem Izvješća i Mišljenja Povjerenstva za institucionalnu akreditaciju, da visokoškolska ustanova Internacionalni Univerzitet Travnik u Travniku ispunjava propisane uvjete za institucionalnu akreditaciju, Agencija za visoko obrazovanje je dala Preporuku o institucionalnoj akreditaciji, Broj:05-33-1-323-16/15 od 19.05.2016.godine i istu dostavila na daljnje postupanje Ministarstvu obrazovanja.

Analizirajući Izvješće i Mišljenje Povjerenstva za institucionalnu akreditaciju, kao i Preporuku Agencije za visoko obrazovanje, Ministarstvo obrazovanja je cjenilo da su ispunjeni svi propisani uvjeti za izdavanje institucionalne akreditacije podnositelju zahtjeva, tj. Internacionalnom Univerzitetu Travnik u Travniku, te je odlučeno kao u izreci Rješenja.

Po jedan primjerak ovog Rješenja dostavlja se visokoškolskoj ustanovi Internacionalnom Univerzitetu Travnik iz Travnika i Agenciji za visoko obrazovanje iz Banja Luke, u cilju poduzimanja radnji i mjera propisanih Okvirnim zakonom o visokom obrazovanju BiH („Službeni glasnik BiH“, broj:59/07 i 59/09), Zakonom o visokom obrazovanju („Službene novine KSB/SBK“, broj:4/13) i Pravilnikom o postupku akreditacije visokoškolskih ustanova i studijskih programa („Službene novine KSB/SBK“, broj:6/14 i 14/14).

Troškovi upravnog postupka, u iznosu od 50,00 (pedeset/KM), padaju na teret stranke i određeni su Poglavljem VIII. Tarifni broj 48. Točka 1. Zakona o izmjenama i dopunama zakona o kantonalnim pristojbama („Službene novine KSB/SBK“, broj:5/12) koja ih je dužna uplatiti na Proračun KSB/SBK Travnik.

Pouka o pravnom lijeku:

Protiv ovog Rješenja može se izjaviti žalba u roku od 15 dana, od dana prijema rješenja. Žalba se izjavljuje Agenciji za razvoj visokog obrazovanja i osiguranja kvaliteta BiH Banja Luka, a podnosi se putem Ministarstva obrazovanja, znanosti, kulture i športa KSB/SBK u dva primjerka.

Dostaviti:

- ①x Internacionalni Univerzitet Travnik
- 1x Agencija za visoko obrazovanje
- 1x Odjel za obrazovanje i znanost
- 1x Pismohrani



MINISTRICA
Katica Čerkez